

故宮
珍本
刊

江西府州縣志

共十一冊
第四冊



故宮博物院編

海南出版社

故宮珍本叢刊第 112 冊江西府州縣志第 4 冊(共 11 冊)

故宮博物院編

廣豐縣志

餘干縣志

清江縣志

第二冊(共二冊)

海南出版社

圖書在版編目(CIP)數據

故宮珍本叢刊.第 111~112 冊,地理.都會郡縣.江西,[乾隆]廣豐縣志、[康熙]餘干縣志、
[乾隆]清江縣志/故宮博物院編.-影印本.-海口:海南出版社,2001.4

ISBN 7-80645-974-X

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06594 號

故宮珍本叢刊第 112 冊

江西府州縣志第 4 冊(共 11 冊)

[乾隆]廣豐縣志 [康熙]餘干縣志 [乾隆]清江縣志

第二冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:26 印數:1-400 冊

ISBN 7-80645-974-X/Z·55

定價:2200 元(江西府州縣志 18 種共 11 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

清江縣志卷之五

城池

建邑設官以爲民衛城池重矣而治必嚮明退思補過公署者所以聽公事也至於積粟以裕民祀神以福民民資所衛惟官能立之衛焉夫月令補城郭治宮室修囷倉秩祭典每歲不越常期清江附郭樓櫓稱雄官斯土者可視一官如傳舍哉蓋必有所以勤民而致力於神者也撰城池列志

南唐昇元二年始升蕭灘鎮爲縣其時城制無可考

宋淳化三年以清江縣建臨江軍縣爲附郭始築土城

然城之東岸瀕大江江水漲輒崩齧基勿克固守土者

清江縣志

卷之五

城池

乘閒令民具畚鍤補綴罅漏苟恃無患而已

元大德閒總管李個始伐石築陂障免水患至正閒守

臣保童始築城浚濠其東面尋沒於江西南北復就圯

城制亦仍未備

明宏治十年知府吳叙廢土城故址增築之正德六年

華林賊掠城毀明年知府熊希古乃改築甃城爲雉

凡三百有奇周一千五百六十七丈三尺高一丈六尺

有奇爲女牆凡二千九百四十二高視城身殺十之七

厚下一丈二尺有奇上殺其二實以土石覆以觀樓如

浚西南北三面濠深廣如制爲門八東曰廣濟曰利涉

曰圓化曰鐵爐南曰鍾秀西曰望仙曰富壽北曰朝京

提學彭綱記之後東南復爲江水所壞嘉靖元年知府徐問十四年知府徐顥先後重葺三十九年巡撫何遷

按郡病城卑薄檄府增高四尺撤去觀樓以防潛匿建

宿樓三十一所敵臺十五座旋於東面增闢丹鳳門更

名文名門又闢育賢門且更利涉門爲萬勝園化門爲

興化望仙門爲西成朝京門爲朝天餘如故凡十門久

漸傾塌崇正八年知縣王心純復修治十一年知府胡

永清推官胡來相知縣秦鏞增建窩舖一百十所敵臺

二十座十四五年水患相繼城凡三圯計二百餘丈署

府事推官倭秉澹知府毛之雋知縣秦鏞捐貲修築

國朝順治八年清波門石坎壞城陷九尺知縣洪其清重

清江縣志

卷之五

城池

繕康熙二年總督張朝璘按郡又檄知縣張暖增高二

尺六年四月大雨清波富壽二門城圯數十丈守湖西

道施閏章知府王撫民同知李一威通判溫如璜推官

張亨升知縣屈有信捐貲整葺乾隆二十三年知縣沈

廷標以修城詳請報可改建門樓雉堞計共一千七百

七十二丈五尺費出廉俸及贖金之餘計共二千四百

七十餘兩城制益大備今城門十東仍曰廣濟曰育賢

曰萬勝曰興化曰清波而文名則更爲興仁南仍曰南

薰西仍曰西成曰富壽北仍曰朝天乾隆三十一年育

賢門災因加堵塞現議修建

舊志曰城十門爲正門者四餘六門東瞰江者五

清江縣志

卷之五 城池

三

以西配東者一蓋建城時形勢與江相附縱與廣不及什伍故多開震巽二方以迎水秀清波萬勝舟車輻輳地也興化富壽或以爲郡龍雙耳關陽而堵其陰懼不稱也文名育賢考宏治郡志尚無此門蓋嘉靖末遷郡學後始開文名以攬金鳳之秀專爲郡庠設也縣庠已開執簡門通萬勝門又開育賢門於其左從文名之例也隆慶開富壽興化二門塞其後復開至崇正六年六月秋試期迫兩學諸生具呈興化居民亦緣例上請而三門俱復開惟富壽永開崇正十年寇警三門復閉至十二年七月緣例復開遂不閉竊謂地方宜扼要防禦最難此四門者永宜閉塞而文名育賢又當三年一開以啓文運也

按舊志明末城守方嚴議永開興化富壽文名育賢四門以省分防之力題矣今四門洞開伏莽無驚蓋

國家承平中外禔福禮義以爲干櫓不徒恃崇墉百雉也雖然重門擊柝以禦暴客司牧者何時不務持遠畧哉

城外東面大江不復浚濠自宋以來繕築圩隄以護城而城內地形以高臨下渠水穿岸東注於江者凡七澮川臺興化門皆水道所注深廣數丈許向啓實爲木瀆

復加甕甕橋以鐵以殺濫潦之勢西南北三面城外浚濠自西院埠繞城而東出善嘉橋始迴折逆流而轉注至元妙觀出江形家謂之玉帶水

按城東以江爲濠陰從天設護城圩岸俱墜石爲之可無江水衝齧之患而迫岸渠水由高注下所開水竇稍不疏即水滲城脚故浚溝乃城工第一要務西南北三面積水環城既符古制復釀地靈舊志謂久之不無侵占恐致淤塞誠慮之長矣夫伊減伊匹周雅攸稱以時訊察而修濬之爲政之良圖也

縣署

清江縣志

卷之五 城池

四

南唐昇元二年升蕭灘鎮爲縣始建署在富壽岡之陽宋淳化三年以清江縣置臨江軍徙建縣治於城東元遷郡治左明洪武十年遷郡治右天順六年知縣葉洪遵制增修宏治三年知縣李璵重葺地直深四十五丈橫濶二十丈其制前爲聽事正堂嘉靖二十七年知縣沈淮題額曰親民崇正閒知縣秦鏞重修吉水劉同升記

國朝乾隆二十九年知縣德隆榜以畏天勤民三十六年知縣汪志仁重加修飭榜曰勿怠若事正堂左舊爲典史贊政廳又左爲縣丞分署右爲縣庫再右爲舊主簿署今爲典史解又右爲黃冊庫爲下程亭正堂前爲甬

道中立戒石亭勒戒詞曰爾俸爾祿民膏民脂下民易虐上天難欺十六字左右為吏書廊房十二間知縣汪志仁捐修又前為儀門明嘉靖四十二年知縣廖文光建乾隆二十九年知縣德隆重新之其前左舊為迎賓館右為土地祠又右為監獄中為大門門外屏牆舊稍逼知縣德隆展前二丈許東西壘轆門二東曰強教西曰悅安由正堂入宅門為後堂明宏治七年知縣萬琛重建榜曰存心嘉靖十三年知縣朱元誥改建後堂為軒德隆重葺之額以退思補過由後堂入解舍凡三進各三楹額曰紉蘭左右翼以書屋汪令志仁捐葺西為夕佳園亭一舊曰兼遂亭久圯按宏治郡志縣治內有清江縣志

卷之五 公署

五

清江道院堂一道分明樓清江碧嶂亭又西廊廡後有吏舍二所亦皆圯乾隆四十五年鄧令廷輯改建內宅並大堂宅門葺而新之縣丞署在縣治左地直深十二丈橫闊七丈其制正門一重三開大堂一重三開內堂一重五開內宅三開客廳三開廂房三開門房及廚房各一開主簿署舊在縣治右自主簿缺裁署廢典史署舊在縣治左署壞遷建主簿署故址在今縣治右地直深十二丈廣七丈其制大門一重大堂一重三開內堂一重五開內宅三開客廳三開門房及廚房各一開

驛丞署舊在萬勝門外明萬歷間遷建廣濟門外驛名

蕭灘丞缺奉裁署廢

巡檢署在清江鎮明洪武三年巡檢張天麟建

國朝乾隆三十一年缺裁署廢

府署附

宋淳化三年知軍事王禹錫創建軍州解於富壽岡之陽即縣舊治也治內有坐嘯堂司諫韓璜記元仍舊址壬辰燬明洪武初始建府署其制前為正堂知府黃廷桂增創知府劉貞重建額曰衡鑑宏治閒知府戴瑤增建自記之知府尚縉旋加藻飭題曰靜治嘉靖甲申知府錢琦復新又改建經歷司照磨所以翼堂之左右繪古名臣事蹟於堂楹以自勵詳見學士汪俊記堂前為清江縣志

卷之五 公署

六

月臺東西有井名七星井兩廊為六科房中甬道有亭國朝乾隆壬辰知府李昌昱改建坊勒公生明三大字由甬道出儀門為施侯墓即舊志所稱施三十郎徙所居為縣治者又前為譙樓制甚偉元至正閒建魯花赤定住創建明洪武閒知府劉貞宏治閒知府戴瑤先後繕葺

國朝康熙庚戌知府王撫民重建自記之乾隆壬辰知府李昌昱復修樓左為黃冊庫、鑒駕庫又左為土地祠樓前左右舊有旌善亭申明亭樓外南行數百步則鐘樓也正堂後入川堂為後堂宋元以來榜曰中和明嘉靖己亥知府李易重修易以體仁郡人簡霄記堂上屏

門分書真西山四箴筆法適古左右有廣豐庫軍伏庫
堂後入宣化門右行數丈許爲桂花聽聽旁古桂數株
蟬蜩蔚蔚花時香襲衣裾又鐵蕉一本高逾七尺許皆
數百年物先是廳圯乾隆四十二年知府王引楷捐俸
改建復舊觀焉由宣化門正行入屏門內爲澄心亭亭
左右有池甃以石荇帶荷錢池中綴綠池旁書屋各數
楹蔭以修梧翠竹涼風颯至不復知暑澄心亭後即內
宅最後舊有一鏡堂已圯

同知署在郡治旁經歷司之左今奉裁署廢

通判署舊在同知署左乾隆三十一年徙建清江鎮東

街

清江縣志

卷之五 公署

七

推官署在舊通判署後今裁署廢

經歷司在郡治左

照磨司舊在郡治右乾隆四十三年移駐樟樹鎮

司獄司在郡治南街右今裁

行署

提督學政署舊在郡治前東街察院署之左康熙四年
知縣屈有信重修二十二年湖西分守道奉裁四十二
年知府高毓麒知縣甯堯米改郡治前東街舊署爲關
帝廟而葺分守道署建號舍以爲試院在天寧寺右乾
隆三十八年知府李昌昱重修學使汪廷璣記
察院行臺在郡治左關帝廟右今改建漕倉

湖西分守道署即天寧寺右學使署明嘉靖四十一年
移布政司參政一員駐劄臨江江陵陳大賓至撤舊分
巡道署更新之崇正十二年移鎮袁州所司爲行署
國朝仍改駐臨江康熙元年參議施閏章增葺立湖西道
題名碑自爲記又於署建亭曰就亭樓曰愚樓諸名人
題咏並詳蕭江唱和集畧見藝文康熙初裁湖西巡道
自是守道往來駐臨吉二郡各半載六年守道奉裁十
四年復設二十二年又奉裁今爲學使試院
湖西分巡道行署在天寧寺左康熙二年奉裁今爲城
守營

公館

清江縣志

卷之五 公署

八

察盤公署在縣治西馬鞍嶺南已廢

曲水公館在城北三十里

太平公館在城南三十里今立社倉於故址後

銅鑼江公館在城東南隔江十五里久廢

洛橋館在城東隔江十里久廢

荷湖館在城東北二十里久廢

接官廳在城東南渡江五里明嘉靖十五年知府徐顯

知縣高晉建尋廢

雜署

上諭亭在府前關帝廟右長四丈五尺橫廣三丈
遮運所有二一在清波門外明洪武五年同知常潤建

舊設水夫一百二名已廢一在永泰市亦廢

司獄司在府前街右司左旁爲府獄府獄後爲縣獄獄後西臨牢背街獄左有巷曰牢巷前出府前街石坊下對師姑巷口後出牢背街巷口有小祠曰衍慶康熙初司獄缺裁府獄廢以縣獄歸典史經營遷縣治右今司獄司署改建龍神廟而府獄基久爲民間侵占蓋造屋舍侵轉私鬻獄址牢巷亦失其縣獄舊基亦漸爲民圍築乾隆四十五年知縣鄧廷輯清查官地以府獄基民占已久不忍深究祇清出縣獄舊基自南至北長十五丈有五尺自東至西廣十丈有五尺西臨牢背街其東一直官牆尚存

清江縣志

卷之五 公署

九

稅課司在府前街右明初建萬歷開稅課大使裁司廢後改建爲練公祠今存

稅課局舊在清江鎮明洪武三年大使陳方秀建久廢

陰陽學在郡治前左街已廢

醫學在郡治前左街亦廢

僧綱司明時在天寧寺今無定所

道紀司明時在元妙觀今無定所

惠民藥局在郡治前久廢

弓張局在郡治前亦廢

養濟院舊在東門外蕭灘驛左後移城東即古旗纛廟基

育嬰堂在南門街乾隆二十五年郡守婁廷彥重葺尋廢

普濟堂在郡治後街乾隆三十五年郡守李昌昱奉

恩旨創建以恤孤老

漏澤園舊凡六處南薰門外二廣濟門外二朝天門外一西成門外一又乾隆四十四年生員陸光洙呈捐已地入官爲義冢在西成門外名陸家園長五十三丈廣二十三丈

鄉約所舊有五所東約舊在元妙觀南約在天寧寺西約在城隍廟北約在朝天宮中約在江東祠

倉儲

清江縣志

卷之五 公署

十

漕倉二所一在府治左即察院舊署計廩八間康熙六十年知縣石杰建一在樟樹鎮麻家巷計廩四間康熙初知縣屈有信建邑人熊傑記

省倉在省會北德勝門外河泊巷舊計三十四廩康熙

二年知縣張暎重建歲久僅存廩十四間而清江額徵

漕米二萬六千餘石不敷收貯僦舟候兌差役押運者

恒苦羈延乾隆九年知縣汪元麟議添置倉廩未果四

十三年知縣鄧廷輯詳請動撥道庫七分解存銀一千

六百餘兩別購倉旁民地長一十四丈五尺廣三丈八

尺擴建東西兩廩四十二間又建庖厨宴舍八間由是

兌運以時公私兩便

常平倉府縣二倉俱在東關內府額穀六千石乾隆三十年奉撥歸縣額穀一萬六千石連歸府穀共二萬二千石

社倉雍正八年知縣金廣培自捐養廉買穀一百石以爲倡率本年紳衿士民共捐穀二百零五石乾隆九年知縣邢文鐸勸捐穀一百二十石又前署縣楊宗政勸捐穀四百三十七石五斗乾隆二十二年知縣沈廷標勸捐穀二千二百三十五石六斗分歸八十四圖里甲長輪值收貯今建設社穀總倉十八處

本城總倉在東關常平倉側

一都總倉在黎墟東林寺旁

清江縣志

卷之五

倉儲

十一

二都總倉在江邊墟金城寺旁

三都總倉在太平墟橫街

四都總倉在太平墟公館後

五都總倉在璩璜墟二教祠旁

六都總倉在南關內張王廟後

七都總倉在翁神廟旁

八都總倉在臨江府後

九都總倉在薛家渡

十都總倉在蛟湖墟

十一都總倉在潭埠墟

十二都總倉在樟樹鎮市背街

十三都總倉在洋湖墟

十四都總倉在香溪墟

十五都總倉在銅鑼江隱仙寺旁

十六都總倉在店下墟勝華山旁

十七都總倉在永市

已上社倉十八處現共貯穀七千六百九十一石七斗六升五合三勺每年存六放四放四穀每石起息一斗以三升給司事者之費其七升仍存作本

按四倉之設因明舊制而變通之漕倉所貯官收官解即明之便民倉也常平倉所貯官出糶本平價出糶即明之豐積倉預備倉也社倉視義倉主

清江縣志

卷之五

倉儲

十二

領者有官民之別其惠民良法則今亦初無或異也明舊制并列如左

豐積倉在城東北廣濟門內每歲本府積穀備賑設有倉大使一員管支俸糧立署於本倉

預備倉舊五所其後俱廢明嘉靖間知縣沈儀遷

置舊千戶倉於寶壽寺左每歲本縣秋冬積穀五百石備賑奉文扣三折解除每月支給囚糧按季冊報

外例無支放

便民倉在廣濟門外明知縣狄冲建收貯南兌二糧以便解糧船戶搬運下河崇正七年奉部院檄改爲臨江府精兵營遂廢

義倉舊志未詳所在崇正十三年奉文建立義倉因值荒歉未克創建知縣秦鏞倡捐義穀寄貯預備倉內

社倉按宏治郡志宋慶元元年清江知縣常楮建久廢明隆慶二年知府馬文學創置社倉六所勸借民粟貯之備賑一曰仁和在豐積倉內一曰義和在天堂寺內一曰豐樂在永市一曰利人在蛟湖一曰慶豐在清江鎮一曰太平在瑯瑤其後亦俱廢崇正十四年知縣秦鏞修復清江鎮慶豐倉勸鎮民輸助義穀備賑

已上各倉特憑舊志所載明制存之至建設之地今

清江縣志

卷之五 倉儲

十三

亦久更云

按明洪武閒詔天下郡邑各置預備倉所以備荒歉兼戒不虞也行之既久欽煩役苛而法始弊

國朝初沿明舊制官倉貯穀徵發以時康熙閒奉文設立社倉又設立常平倉愛民之政益備而糴糶收放之均平則資良有司擘畫矣

壇祠

社稷壇在治城朝天門外明洪武初立壇於城西北地向歲以春秋二仲上戊祭按宋制社稷分壇清江另立縣社壇在寶壽寺北自明以來附於郡壇

風雲雷雨山川壇在城南門外明洪武初立南向歲以

春秋二仲上巳奉郡城隍神合祭已上二壇明宏治已未郡守吳叙增築外垣高二丈許齋房牲所咸備屢經修葺

先農壇在城西關外歲以季春癸丁日祭

郡厲壇舊在城廣濟門外明隆慶二年知府馬文學遷於西成門外三祭歲以春清明日秋七月望冬十月朔迎城隍神主之

鄉社壇鄉厲壇各鄉崇祀不悉載

文廟各祠詳學校

朱文公祠在府學後宋寶祐中知軍魏庭玉通判黃洪

建舊有樓名近江祀宋朱文公以勉齋黃公會宰新淦

清江縣志

卷之五 壇祠

十四

主一張公曾及門列之配享後改為驛舊刻公及張公二像石碑今移置郡學宋人翁甫有記

褒忠祠在朝天門外祀宋死事知臨江軍陳元桂賜額

褒忠歲久廢明正德閒提學李夢陽重修以宋清江令

趙孟濟配享嘉靖七年知府錢琦復修益以死事宋知

軍鮑廉並祭都御史泰和歐陽鐸按察司副使邑人龔

守愚俱有記知府鄭懋德手定祝文歲以春二月秋九

月望日致祭

國朝增祀元末義士劉天祐乾隆四十五年知縣鄧廷輯詳請增祀明初死事同知趙天麟有詳定祀典議見藝

文志

按褒忠祠並祀宋季陳鮑趙三公有碑記可考後增祀劉公天祐郭公裕共五神主實未詳始於何人但郭死事於棗陽與守土者異故改祀郭公於鄉賢而以趙公天麟增祀庶免不敬非類之疑云文相國祠在府學右明撫虔都御史謝杰建中爲明德堂祀信國公以明訓導謝廷表從祀事詳祠堂記有祭田以春秋仲月丁日祭

劉公祠有三一在朝天門外一在朝天門內明萬歷閒重修知縣龍起雷記又參議施閏章有禱雨劉公文俱見藝文志一在杜塘墟俱祀元義士劉公天祐事詳人物志

清江縣志

卷之五 壇祠

十五

練公祠舊在城東北鄉林書院左久廢明知縣梁士濟改建府治東縣令王心純創明宗書院於南門後祀公歲以二仲祭爲新練公祠今復建在府前大街

施侯祠在府前平理坊姑巷內久圯

戴公祠在清江鎮祀明知府戴德孺久廢

馬公祠在城東祀明知府馬文升久廢

兼山公祠在城東祀明東閣大學士楊廷麟祠即公故宅也中更數主合邑紳士醵金取贖因立祠以祀公勤憲公祠在縣東崇學鄉上湖祀宮保尚書楊錫紱關帝廟有三一在郡治左舊提學署一在天寧寺左一在永泰市黃澧洲明進士張克文堯文兄弟建

城隍廟明洪武二年建於府治南歲春秋合祭於風雲雷雨山川壇及主郡厲壇祭郡人胡行簡有文記之知府戴德孺程應龍知縣梁士濟先後修葺順濟龍王廟舊在朝天坊宋巡檢馬勉之建今在府前街

旗纛廟在城東北歲以霜降日祭明嘉靖十三年知府徐顯知縣朱元誥建久廢

文昌閣有四一在舊縣學左明天啓閒燬縣令盧兆龍改建有賢門外教諭湯瑞至創立祀典今廢一即新建魁星閣在今縣學左詳學校一在十三都輞川一在十七都永泰市鶴地閣尤峻偉前殿祀關帝上文昌閣又

清江縣志

卷之五 壇祠

十六

上魁星閣左觀音殿右三官殿其西偏即合市紳士所建永鎮塢塢高九級每級六門前臨大江可供登眺江東廟在富壽岡元延祐初萬戶楊仲明領兵討蔡五九兵次蕭灘一夕忽聞兵甲聲驚問左右皆駭不能對彷彿聞空中語曰江東神也於是所向克捷還立廟祀之

雷廟在縣北白牛岡明嘉靖二十三年通判金本陶署府事禱雨立應符錫等詩紀其事立碑祠中又大禾阮玉華峰亦有雷祠禱祀者尤衆

東獄行宮有二一在縣西城外宋嘉定中建郡人徐得之記明宣德閒重修張徹記一在西門內

國朝乾隆開建又八都滁山及永泰市黃隆洲亦有東嶽廟

張中丞廟一在郡城南門外祀唐張睢陽公石像廟門外有石人跪立其名不傳俗呼為石人廟一在南門內廣壽寺前一在南門內都司署左乾隆開建一在東門內府倉前一在東門外一在永市街新興寺左一在太平市

仰山孚惠行宮在城南舊碑剝落不可讀仰山袁州山也祠在宜春宋淳熙中郡守沈銑以旱遣官禱神立兩因建行祠又北鄉距高橋里許及三都彭公塘俱有仰山廟

清江縣志

卷之五

壇祠

十七

嘉應侯廟世傳神姓張淮陰人封顯慶東平王廟在清波門外久廢

蜀三聖廟在縣治北北墻院巷舊傳神即清源真君梓潼帝君射洪縣神又縣南十里有廟祀清源真君曰二即廟

聶公廟在清江鎮宋慶元中建公名友丹陽太守嘗逐鹿至鎮射樟樹滅妖殺而神威有赫邑人立廟祀之郡縣有司到任必先祭廟而後入城舊例每椎香火錢明知縣秦鏞裁革之又修德鄉郭坊亦有公廟

梁昭明太子廟在縣東舊志云武帝經此堊昭明有廟晏公廟在清江鎮瀕江明洪武間建郡人聶鉉記一說

志云晏公名戍仔本鎮人元初為文錦局堂長因病歸登舟尸解人以為神立廟祀之有靈江湖間永樂中封平浪侯今俗訛為鄔公廟

靈順廟在清江鎮宋淳祐間建祀水府神廟有黃栢如金故號寶金山

蕭公廟在清江鎮西南祀英佑侯蕭天任藥王廟有二一在天寧寺左一在清江鎮東門

田相公祠在永泰市神諱真漢京兆人生以孝聞仕至大中大夫祠瀕江宋紹興中岳忠武征虔道經永濱入祠展謁祠前有井清冽異常

三閭大夫廟在蛟湖壺濱江廟創於唐末祀楚大夫屈清江縣志

卷之五

壇祠

十八

原明萬歷初重修邑人蕭允儒有記

真君廟在永泰市北祀許旌陽後殿祀火德星君

謝真人廟在金鳳洲明洪武間重建

喻公廟在縣東三十里中勝洲祀水神

宋澤廟在閭阜山石臼原或云神即宋齊邱隆慶府志辨其誤

舊志曰宏治郡志載宋齊邱塗陽閭阜山人好縱橫術以布衣謁徐知誥引為推官遂擅吳為南唐官至左僕射平章事大傳楚國公今閭阜山有讀書堂洗硯池山陽有宋氏族蓋其苗裔臨江先哲言行錄云郡志因閭山有宋澤廟遂謂齊邱為閭

山人誤也夫齊邱奸雄躁戾始則助成篡弑之謀終則陰懷今將之心果爲土著亦不足污簡編況實非郡人乎按齊邱爲人固無足言然使果爲郡人亦不必諱也故二說並附於此

觀音閣有二一在十三都一在永泰市東街乾隆四十年重建

大乘廟在十三都洋湖祀關帝文昌帝君

武帝廟在十三都祀宋武帝宋末邑人楊雲有詩

賢惠廟在四都長藍祀漢張平子

棠陰祠在四都雒湖

李公廟在修德鄉土湖祀唐衛公李靖

清江縣志

卷之五 壇祠

十九

仰德祠在一都二園祀關聖及文昌帝君

周王廟在十二都杭溪

南山廟在十四都南山里

清江縣志卷之六

古蹟寺觀冢墓附

人傑則地靈人與事如可傳即一泉一石風雨數

椽久愈不磨後之視今亦猶今之視昔也他如結

節有笠禮斗有壇其或宿艸豐碑松楸蔭碧令過

客生哀爲賢者護此一抔非謂滕公石櫨駟騶僅

傳疑也故彙紀之撰古蹟列志

舊新淦城在清江鎮新淦移治南市村城廢爲鎮即今

樟樹鎮

都尉城在城東三十里明一統志云漢豫章都尉治於

此

清江縣志

卷之六

古蹟

吳城舊志一在城西三十里其地有敵樓衝敵樓吳王

廟或曰即新喻廢吳平縣一在西南三十五里近棲梧

山考寰宇記即廢治平縣

吳平縣寰宇記本漢末漢平縣三國吳時改爲吳平隋

開皇九年廢新喻入吳平十一年廢吳平入宜春十八

年又析宜春置新喻今其地即金城寺土城遺跡尚存

盧城在城東北五里修德鄉相傳爲盧府君建故名

瓦城在城東北四十里五代時鄉民築以自保

樊城在城西北三十里修德鄉相傳有樊將軍居之

富國城在城東南十五里南唐時於此積糧因名

牛頭城在城東三十里土城遺跡存

河臯寨在城西南五十里棲梧山前潁江昔周瑜留鎮巴郎屯兵其上

員僚寨在城西南六十里接新喻高安兩縣界相傳隋時曹王所立同員僚守之久廢

凌雲寨在閣阜山南

風義堡舊志在縣城西唐末清江婦魯氏遇賊不受辱賊義而厚遺之後人因名其地詳列女傳

龜石在清波門外繡衣坊下舊識云烏龜石轉狀元生宋咸淳甲戌正月朔夜有聲如雷黎明觀之石裂中有白氣薰蒸膚理初軟久乃堅孔武仲有詩

龍石舊志在文名門外水濱狀如龍蜿蜒長袤鱗甲悉

清江縣志

卷之六

古蹟

具一夕雷震碎之有竅有紋宛如骨節郡人好事者多取為玩物教英有詩

虎跑泉在郡治東南唐魯季文廬父母墓每患汲江水稍遠忽一虎於廬側跑地得泉人以為孝感所致因名馬蹄泉在丁仙峰上泉甚清淺不溢不竭病者飲之多愈

樹根泉在縣東茂才鄉距閣阜山十餘里有古樹僅存其根而中空圍若井關泉從中達極清冽不溢土人呼樹兜井

滌泉在中洲小雅民家康熙戊辰郡守喻成龍飲此而

甘刻石留題碑存

放生池在閣阜山唐乾元二年詔諸道置放生池顏魯公手書序銘詞畧云去殺流惠好生立辟率土之濱臨

江是宅寶勝如來時庸允格真卿勒銘敢告凡百

丹池在城西南紫霞宮晉章昉煉丹所

盤園范成大梅譜清江酒家有大梅如數間屋傍枝四重周遭可羅坐數十人任子嚴運使買得作清風閣臨之因築大圃謂之盤園梅之奇古者惟此及成都梅龍兩處為冠云

西園在城北宋徐得之別業內有叢桂軒梁寅有記

薌林名勝志在清江縣東門外范石湖集薌林故侍郎

向伯恭所作本負郭平地舊亦人家阡陌古木修篁林

清江縣志

卷之六

古蹟

塘皆為樾蔭所封森然以寒

按郡城內縣治之北百花洲為薌林故地朱子薌林詩可考信也今據范石湖集又以為在東門外姑兩存之

墨莊名勝志清江縣有墨莊池坊舊志劉式既沒夫人陳以式遺書數千卷訓諸子謂之墨莊其後子孫皆世守其業新安朱文公為之記云

貢院宋紹興辛未郡守鄧庾建於郡治東迨嘉泰癸亥別駕趙師迫復建於壽俊興賢二坊之間已廢

維崧堂在府治內宋天禧中王益為軍判官其子安石

生於此後人因名其堂曰維崧

坐嘯堂在府治內宋時建司諫韓璜記

止堂在府治內宋侍郎彭龜年故居

富壽堂在府治內宋建因富壽岡以名

春暉堂何太虛詩小序清江黃伯原母第七人孝愛友

恭作春暉堂以奉母學士卓廬吳先生序其事名士大

夫詩詞交贊之

歐陽處士宅名勝志城南里許為瑞筠山瀕江周回五

里本唐處士歐陽董故宅叢生瑞竹色爛如銀

讀書臺舊志有三一在慧力寺唐處士歐陽董讀書處

一在石溪寺唐宜春盧肇讀書於此在藏經閣之北有

名賢題詠一在郡治西十五里晉豫章吳猛以羽扇畫

清江縣志

卷之六

古蹟

四

江而渡建堂讀書舊志又云一在閤阜山南唐宋齊邱

讀書處誤今刪去

覽勝亭名勝志臨江蕭灘石溪寺覽勝亭即唐盧肇觀

競渡處唐摭言盧肇黃頌同舉於鄉公車偕發大守獨

餞頗而肇不與明年肇魁多士守延肇觀競渡肇席上

作詩云扁舟鼓浪去如飛鱗鬣崢嶸各鬪機向道是龍

剛不信果然奪得錦標歸

按唐人詩題乃及第後江寧觀競渡寄袁州刺史

成應元係七律惟後二句同且觀競渡事所傳各

異不足信也府志載此亭止云唐盧肇憩此覽山

川之勝後人作亭表之語較確

吸川亭在府治宋時判官廳面大江

霽月亭林志在府治宋時建

清江碧嶂亭在府治圃中宋時建

觀瀾亭在舊府學內

魁星亭在府學內面閤阜諸峯如玉立然

鍾秀亭在城南門

駐節亭在城東門

春埜亭在城東門外

來瑞亭在城北

肅儀亭在府庫左已廢

皇華亭在城外瀕江

清江縣志

卷之六

古蹟

五

就亭在舊湖西分守署中記云署中有地隆起二丈餘

面閤阜俯清流前此蔽於菑翳宣城施公構亭其處名

曰就亭

紫芝亭在慧力寺參議施閏章建

來鳳亭在文名門外金鳳洲參議施閏章建

高青亭在慧力寺知縣方懋祿於紫芝廢址建亭採參

議施閏章詩秀幹攢高青之句題曰高青

幽暢亭在慧力寺郡守張景蒼建

化梭亭名勝志府城東北三十里有化梭亭晉陶士行

故跡也土人謂侃微時漁雷澤中得一織梭歸懸之壁

一日雷電起梭化為龍去後人立亭於侃母墓側明洪

武初重修張九韶記

員嶠亭在清江鎮靈峯寺元何中有詩

鳴水亭在閤阜山元何中有詩

一覽樓舊志在縣治後宋時有清江臺上有樓名曰一覽為郡城最高處其後樓圯今名金星堆

近江樓在府治東南瀕江宋寶祐閒知軍魏庭玉通判黃洪建以朱子詩有征驂聊駐近江樓之句故名內祀朱子及黃幹張洽尋廢

愚樓高詠遺山集云臨郡南對閤阜山有清江碧嶂之勝橘柚之洲環城三十里官舍有樓曰愚樓衆議施閤章所建也有山陰徐緘及閤章句記

清江縣志

卷之六 古蹟

六

橫舟閣在府治倅廳又有槐風桂月二閣及冰壺閣皆宋時建

經史閣林志在舊府學內宋侍郎向子諲建以藏經史前祀二劉三孔教授宋翔增祀向公為六賢祠胡銓有記

御書閣周益公崇真宮記宮北有令威觀入門即御書

閣十一楹藏熙寧賜書百一十八幅章聖封泰山芝草二本皇祐新樂圖一卷紹興宸翰十幅

梅崖在郡學內題咏見藝文

卧雲庵名勝志清江縣東六十里閤阜山上有卧雲庵漢建安中葛元修煉其上一夕衣冠入室卧而委蜕弟

子守之越三日夜半忽大風發屋拔木有聲如雷燈燭盡滅失遺蛻所在

芙蓉館在城北門內錢氏別業也其舒嘯亭張鍾瀛有詩

雲泉精舍劉克莊記休文游四方歸築精舍閤阜山面峯挹澗手植茯苓梅竹無數其言曰山椒之雲自去自來澗中之泉隨取隨有此予之所嗜不待有力可致故予得而擅之休文楊氏名至質豐城人

芙蓉屋施愚山集始予官山左秩滿歸數月又移官湖西時辛丑杪秋也郡為臨江地踞山阜署中木芙蓉始華出檐側文餘爛若霞舉予稱之曰芙蓉屋

清江縣志

卷之六 古蹟

七

宋高宗書鄉林碑舊在東門外道旁永樂閒郡守劉翼南移至郡庠有跋見藝文

宋東坡書金剛經碑原在慧力寺後移置府二門左止存其半

瘞鶴碑在慧力寺衆議施閤章立

寺觀

天寧寺在試院左唐以前名興化咸通中觀察使韋宙改建更名鐵佛寺宋賜額天寧萬壽紹興中改報恩光孝元世祖至元閒改大天寧寺後至元閒重修臨川虞集記燬於兵明初知府劉貞知縣李惟敬僧克文重建臨川危素記正統十年勅賜袈裟及藏經宏治閒重修

新喻胡榮記

國初寺僧以袈裟質民閒康熙六年參議施閏章捐貲贖回仍藏寺中五十二年寺僧某將勅書袈裟及寺田私賣而逃寺旋傾圯雍正元年知府汪清招慧力寺僧雪青住持重新殿宇因贖回袈裟勅書袈裟已朽而勅書尚存并買田十數畝嗣後僧悅堂徹也相繼葺理碑記題詠俱見藝文

慧力寺在城南二里瑞筠山即唐處士歐陽董宅建自唐感於宋臨川王雱新喻章穎俱有記明洪武初重修時寺僧半閒應召至京賦金陵春曉詩稱旨賜袈裟歸嘉靖戊午寺燬萬歷閒重修崇正末復燬

清江縣志

卷之六 寺觀

國朝順治閒僧雲章募修康熙初藥地和尚駐錫寺中與分守道施閏章南昌李明府諸人倡和適紫芝叢生因建亭焉十六年僧徧浹募修并撰瑞筠山志分守道郭景昌知府陳克峻捐置贍田俱有記後寺圯田亦散失四十七年僧雪青募貲重建知縣教分記乾隆癸酉寺復連歲生紫芝丁丑僧悅堂募修知縣方懋祿沈廷標題疏辛卯僧可立請於知府李昌昱倡修殿宇及甃築圍牆按寺踞江山之勝自宋迄

國初有第一山萬松閣半山亭松風亭江月亭觀空閣挹清門白蓮池讀書臺會心亭洗心泉雲根亭紫芝亭轉輪藏諸勝又有古松數百株夾道直接城南門號接引

松今俱無存雍正閒知府張景蒼建幽暢亭乾隆癸酉方懋祿建高青亭題詠俱見藝文及瑞筠山志

石溪龍居院在府學左即唐盧肇讀書臺唐宰相裴休嘗為書額元至正閒燬明洪武甲子寺僧重建參議施閏章題額曰石谿禪院寺既圯遷額存於天寧寺

廣壽寺在城南崇德坊梁天監中建明嘉靖四十一年

燬分守湖西道參政陳大賓相其地吉改遷郡學移建寺於南薰門內係元妙觀空址給以帖據存於寺乾隆

二十八年寺將圯楊官保錫紱題緣募修

寶壽寺在城東北新縣學左唐貞觀閒建久圯

禪居院在城崇德坊久廢

清江縣志

卷之六 寺觀

九

報恩寺在城金地坊為謝小娥立見列女傳明宏治十二年郡守吳叙改為公館尋廢

禪林寺在城東關外有羅漢栢二株翠色參天結實如菩提風雨光怪人稱寶樹焉明萬歷中有官斯土者欲取其材即閭室病眩乃止御史朱璉神其事乃復重修大學士新建張位為之記寺既圯樹亦無存

鐵佛寺在城東北二里白牛岡按舊志云唐咸通中韋公宙維舟天寧寺下夜觀江中有異光募漁者泗水得鐵佛像五移置寺中因改創焉故郡人稱鐵佛寺是即天寧寺也今日在白牛岡或亦踵此而名之者歟

迴龍寺在城東北五里江水東流至此稍折寺當其衝